

西北史地文獻 第二十三卷

中國西北文獻叢書



中國西北文獻叢書·第三輯

西北史地文獻

第二十三卷



PDF

目錄

關中記

晉 潘岳

三

漢中士女志

晉 常璩

七

函潼關要志

宋 程大昌

一七

甘省便覽

佚名

二三

甘肅忠義錄

清 楊昌濬

八一

甘肅雜志

二五三

敦煌雜鈔

三〇九

敦煌隨筆

三六三

陰平國考

民國 韓定山

四四一

仇池國志

民國 張維

四六一

關 中 記

齊平齋
PDG

關中記

晉 潘岳

長安地皆黑壤城今赤如火堅如石父老所傳蓋襲
龍首山土爲城又諸臺閣亦爾終南山一名中南官
在天中居都之南故關中曰南

昆明池曰神池靈沼堯治水訖停船此池蓋堯已有
池漢代因而深廣之

涇與渭洛爲關中三川與渭蒲漣滂瀋澧瀉爲關中
八水

關中記


未央宮周旋三十三里街道十七里有臺三十二池
十二土山四宮殿門八十一掖門十四宮殿及臺皆
疏龍首山上以作之殿基出長安城上非築也
未央宮東有鸞鴛殿

宣帝少依許氏長於杜陵樂之後葬於南原立廟於
曲池之北亭曰樂遊房

龍首山首枕渭之南岸尾達樊川首高尾下在長安
城南

漢築長安城及營宮殿咸以堙平至今坊市北據

原南望塋塋視終南山



漢中士女志

蘇子學

PDG

漢中士女志

晉 常璩

鄭子真褒中人也玄靜守道履至德之行乃其人也教曰忠孝愛敬天下之至行也神中五徵帝王之要道也成帝元舅大將軍王鳳傳禮聘之不應家谷口世號谷口子真亡漢中與立祠

衛衡字伯梁南鄭人也少師事隱士同郡樊季齊以高行聞郡九察孝廉公府州十辟公車三徵不應董扶任安從洛還過見之曰京師天下之市朝也足下

漢中士女志

猶之人耳何其在遠以虛名屢動徵書若至中國則價盡矣衡笑曰時有險易道有汗隆若樊季齊楊仲桓雖應徵聘何益于時乎苟無所則尼軻恹恹是以君平子真不屈其志其予之徒也哉吾何虛假之有安扶服之敬其言也

鄧先城固人也景帝時御史大夫晁錯患諸侯強大建議減削會吳楚七國謀反假言誅錯故吳相袁盎谿帝殺之拜盎太常使赦七國七國遂叛鄧公爲譏者人言軍事問曰七國聞晁錯死罷兵不討曰吳王

卽山鑄錢煮海爲鹽謀反積數十年錯患之故欲削弱爲萬世策諸侯謀之計豈始行身死東市諸侯莫憚內杜忠臣之口外爲諸侯報怨臣竊爲陛下不取也帝歎息曰吾亦恨之武帝初爲九卿

張騫城固人也爲人强大有謀能涉遠爲武帝開西域五十三國窮河源南至絕遠之國拜校尉從討匈奴有功遷衛尉博望侯于是廣漢緣邊之地通西南之蹇豐絕遠之貨令帝無求不得無思不服至今方外開通騫之功也

漢中士女志

張猛字子游騫孫也師事光祿勳周堪以光祿大夫給事中侍元帝帝當廟祭濟渭欲御樓船御史大夫薛廣德當車免冠乞頸血汚車輪陛下不得廟祭矣帝不悅猛進曰主聖則臣直今乘船危就橋安聖主不乘危故大夫言之帝曰曉人不當如是也後與周堪俱以中正爲幸臣弘恭石顯所譖毀乍出乍徵堪平和猛卒自殺

楊王孫城固人也治黃老家累千金厚自奉養臨終告其子曰我死殮葬以復吾真但爲布囊盛尺入地

七尺既下從兄脫之以身親土其子不忍見至孫友
人祁侯諫之王孫曰厚葬無益死者也夫俾財送死
今日入明日發此真無異暴骸中原裹以幣帛隔以
棺槨含以珠玉後腐朽乃得歸土不可故吾欲早就
真宅祁侯無以易卒驟葬如其言

李郃字孟節南鄭人也少明經術爲郡侯吏和帝遣
使者二人微行至蜀宿郃侯舍郃爲出酒夜飲露坐
郃問曰君來時寧知二使何日發來耶二人怪問之
郃指星言曰有二使星入益部後一人爲漢中太守

漢中太守志

四

命爲曹察孝廉遂馳名爲尚書郎徙左丞稍遷至
尚書僕射尚書令拜司空又進司徒清公直亮當世
稱名順帝世薨一

李固字子堅郃子也陽喜三年以對策忠允拜議郎
大將軍梁商后父也表爲從事中郎授荊州刺史值
州部有亂至州先友其賢者南陽鄭叔躬宋孝節零
陵支宣雅表薦長沙桂陽太守趙歷卒已奏兇江夏
南郡太守孔峙高陽等州土自然安靜按本傳固奏
高陽等賊殺
賜等懼罪厚賂梁冀
仍徙固太山太守徙太山太守克寧盜賊入爲將

作大匠多致海內名士南陽樊英江夏黃瓊廣漢楊

厚會稽賀純光祿周舉侍中杜喬陳留楊倫河南尹

存東平王惲陳國河臨清河房植等皆蒙徵聘轉大

司農順帝崩太后臨朝拜太尉與后弟大將軍梁冀

大傳趙峻並錄尚書冲帝崩時徐揚有盜賊太后欲

不發喪須召諸王至固爭不可言國家多難宜立長

君太后欲專權乃立樂安王爲質帝質帝崩太后復

與梁冀謀所立固與司徒南郡湖廣司空蜀郡趙戒

書與冀引周勃霍光立文宣以安漢之策聞鄧廢立

漢中太守志

四

之禍言國統三絕期運厄會興崩之漸在斯一舉宜

求賢王親近不可寢嘿也冀得書召公卿列侯議所

立三公及鴻臚杜喬僉舉清河王蒜冀然之奏御太

后中常侍曹騰私恨蒜說冀明日更譏廣戒從冀固

與喬必爭蒜宜立中興才也且年長識義必有厚將

軍冀不聽策免固喬歲餘取下獄以無事出之京師

市邑皆稱千萬歲冀惡其爲人所善更奏擊之固書

與二公曰吾欲扶持漢室使之比隆文宣何圖梁冀

軍迷謬諸子曲從以吉物爲凶成事爲敗漢家衰微

從是始矣將軍亦有不利吾雖死上不慚于天下不
愧于人求義得義死復何恨遂自殺二公得書歎息
流涕士民咸哀哭之桓帝無道冀尋受誅漢家遂徵
政在閭官無不思固也

張亮則字元修南鄭人也爲牂柯太守威著南土永
昌越雋夷謀欲反畏則換臨其郡相諫而上號曰臥
虎以成狄勲遷護羌校尉微拜扶風又換臨桂陽皆
平盜賊已郡板橋反拜隆集校尉鎮漢中徙梁州刺
史又爲魏郡太守所在稱治靈帝崩後大將軍袁紹

漢中士女志

表

表爲長史不就丞相曹公拜度遼將軍

趙宣字子雅南鄭人也出自寒微以溫良博雅太守
健爲楊文方深器異之遂察孝廉官至健爲太守

趙瑤字元珪琰字稚珪凡七兄弟宣子也皆以令德
著聞瑤少有公望瑤始爲緱氏袁趙二公相與書曰
趙瑤在緱氏猛虎歸迹百里均耳叔平何難遷扶風
太守徙蜀郡司空張溫謂之曰昔弟五伯魚徒蜀郡
爲司空掃吾第以待足下矣瑤曰諾尋換廣漢卒琰
始爲青州刺史部下清肅徙梁相徵拜尚書不就卒

陳綱字仲卿成固人也少與同郡張宗受學南陽以
母喪歸宗爲安衆劉元所殺綱兄喪往復之值元醉
臥還須醒乃殺之自拘有司會赦免三府並辟舉茂
才拜弘農太守初至有兄弟自相責引退是後無訟
者在官九年卒天子痛惜賜家錢四十萬

李法字伯度南鄭人也桓帝時爲侍中光祿大夫數
表宦官太盛椒房太重史官記事無實錄之才虛相
褒進必爲後笑帝怒免爲庶人恬然以咎失爲已責
久之徵拜汝南太守遷司隸校尉湛然無自得之容

漢中士女志

李

李燮字德公太尉固子也父死時二兄亦死燮爲姊
所遣隨父門生王成亡命徐州傭酒家酒家知非常
人以女妻之延熹二年梁冀誅後月經陽道暈五車
史官上書昔有大星升漢而西捲舌揚芒迫月熒惑
犯帝座則有大臣枉誅星在西方太尉固應之令暈
如之宜有赦命錄其遺嗣以除此異于是下赦燮得
返舊四府並辟公車徵議郎與趙元珪頡川賈偉節
荀慈明張伯慎爲友伯慎爲頡川太守與慈明交相
言論偉節與焉京師以爲惑否伯慎問趙元珪曰德

公所言何元珪曰無言也伯慎追歎曰當如德公見
輩徒靡涕耳慈明亦寤而心變拜東平相國王爲黃
巾所沒得出天子復封之燹以爲不可果敗遷京兆
尹時人爲之語曰李德公父不欲立帝子不欲立王
陳雅字伯臺成固人也靈帝時爲諫大夫閹宦用事
上疏曰昔孝和帝與中常侍鄭眾謀誅大將軍竇憲
由是宦官秉權安帝幼冲和憲太后兄大將軍鄧騭
輔政太后適崩中常侍江京等殺騭安帝登遐黃門
孫程又殺事騎將軍閹顯孝桓帝又與中常侍單超
等共誅大將軍梁冀陛下卽祚太傅陳蕃太將軍竇
武尚書令尹勲等欲誅宦官絕其奸擅盡忠王室建
萬世策機事不密爲中常侍未瑀等所殺此卽陛下
所見今宦官強盛威傾人主天下鉗口莫敢言者海
內怨望妖異並作四方兵起萬姓辛苦陛下尚可以
安奈後嗣何帝不省納出爲巴郡太守年七十五卒
臨終戒其子曰期運推之天下將大亂雄夫力爭無
以資財爲意吾亡依山薄葬亡歲餘靈帝崩大將軍
何進復爲黃門所殺海內果亂終成三國也

閻憲字孟度成固人也名知人爲綿竹令以禮讓爲
化民莫敢犯男子杜成夜行得遺物一囊中布錦二
十五疋求其主還之曰縣有明君何敢負其化童謡
歌曰閻尹賦政旣明且景去苛去僻動以禮讓還蜀
郡民泣涕送之以千歌
李歷字季子太尉固從弟也少修文學性行清白與
鄭康成陳元方齊名弱冠拜新城令朝請都督
糧芑字元道南鄭人也光和二年上計吏時巴郡板
楯反軍旅數起征伐煩天子患之訪問益州計者以
方畧苞對言板楯忠勇立功先漢爲帝義民羌入漢
中輒承其力東征南戰世有功勞由不料卹以致叛
亂非有僭盜能相羣殺兵臨之未必卒得不如但選
明能太守恩信懷服自然安定矣天子從之卒如其
言後在道卒
祝龜字元靈南鄭人也年十五遠學汝隸及太學通
博蕩達能屬文太守張府君奇之曰吾見海內士多
矣無如祝龜者也州牧劉焉辟之不得已行授葭萌
長撰漢中耆舊傳以著述終

段崇字禮高南鄭人也太守河間鄭厓命爲主簿永初四年涼州羗反溢入漢中從厓屯褒中虜東攻厓欲戰崇諫不可願固壘待之壘不聽出戰敗績崇與門下吏王宗原展及子勃兄子伯生推鋒死戰衆寡不敵崇等皆死羗遂得厓殺之

程信字伯義南鄭人也時爲功曹守居馳來赴難殞殮厓喪送還鄉里訖乃結故吏冠蓋子弟二十五人言共報羗各募敢死士以待時太守鄧成命信爲五官元初二年虜復來信等將其同志率先奮討大破

漢中士女志

九

之信被八創死天子咨嗟元初五年下詔書賜信崇家穀數千斛有王宗原展及嚴葦李容姜濟陳已曹廉勾矩劉旌九人皆以令義爲鄭厓所命王宗原展與厓同死葦容等七人與信共并命詔書既賜崇信家又賜九子家穀各五百斛給死事

燕邠字元侯趙嵩字伯高南鄭人也陳調字元化仲卿孫也邠爲刺史邠儉從事使在葭萌與從事董馥張胤同行儉爲黃巾賊王饒趙播等所殺邠聞故哀慟說馥胤赴難二子不可邠難日使君已死用生何

爲獨死之牧劉焉嘉之爲圖象學宮誅馥等嵩事太守蘇固固爲米賊張修所疾殺嵩痛之仗劍直入修營殺十餘人幾獲修死陳調少尚遊俠聞固死聚賓客百餘人攻修大破之進攻修營乃與戰以傷死又有陳術字申伯作者舊傳者也失其行事歷新城魏興上庸三郡太守及錫光等不列也

穆姜安衆令程祗妻司隸校尉李法姊也祗前妻有四子與敦觀豫穆姜生二子淮基祗亡與等憎惡姜姜視之愈厚其資給六子以長幼爲差衣服飲食凡

漢中士女志

十

百如之久與等感寤自知失子道謁南鄭獄受不愛親罪太守嘉之復除門戶常以二月八日社致肉三十斤酒米各二斛六斗六子相化皆作令士五人州郡察舉基字稚業特雋免爲南郡太守

恭瑛南鄭楊相妻大鴻臚劉巨公女也有四男二女相亡教訓六子動有法矩長子元珍出行醉母十日不見之曰我在汝尚如此我亡何以帥群弟子元珍叩頭謝過次子仲珍白母請客旣至無賢者母怒責之仲珍乃革行交友賢人兄弟爲名士恭瑛之教流

于三世四子才官隆於先人故時人爲語曰三苗不止四珍復起

杜泰姬南鄭人趙宣妻也生七男七女若元珪稚珪有望五人皆令德其教男也曰中人情性可上下也在其檢耳若放而不檢則入惡也昔西門豹佩章以自寬宓子賤帶弦以自急故能改身之恒爲天下名士戒諸女及婦曰吾之委身在乎正順及其生也思自于撫愛其長之也威儀以先後之體貌以左右之恭敬以監臨之懃恪以勸之孝順以爾之忠信以發

卷之六

十一

之是以皆成而無不善汝曹庶幾勿忘吾法也後七子皆辟命察舉牧州守郡而漢中太守南鄭令多與七子同歲季考上計無不修敬泰姬執子孫禮

禮珪成固陳省妻也楊元珍之女生二男長娶張度遼女惠英少娶荀氏皆貴家豪富從婢七八資財自富禮珪敕二婦曰吾先姑母師也常言聖賢必勞民者使之思善不勞則逸逸則不才吾家不爲貧也所以粗食給吾者使知苦難備獨居時二婦再拜奉教從孫奉上微慢珪柳絕之感悟華行遭亂流行宗表

欲見之必自嚴飾從子孫侍婢乃引見之曰此先姑法也四時祭禮自親養牲釀酒曰夫祭禮之尊也年八十九卒惠英亦有淑訓母師之行者也

文姬南鄭趙伯英葬太尉李固女也父爲梁冀所免兄憲公季公罷官歸文姬歎曰李公滅矣乃與二兄議匿弟燮父門生王成亡命徐州涕泣送之謂成曰託君以六尺之孤若李氏得嗣君之名義參于程杵矣久之遇赦燮得還行喪服闋勅之曰先公爲漢忠臣雖死之日猶生之年梁冀以族弟幸得濟豈非

卷之六

十二

乎慎勿有一言加梁氏加梁氏則連主上是又投禍也奉行之徒成在徐州各異處傭賃而私相往來成病亡燮四時祭之

陳順謙成固人也順謙適鄧令曹寧十九寡居長育遺孤八十餘卒兄弟陳規著書歎述之惠謙適張亮則在扶風官下吏白欲重禁嚴防以肅非元修訪于惠謙惠謙曰恢弘德教養廉免耻五刑三千蓋亦多矣又何加也兄弟伯思學仙道惠謙戒之曰君子疾沒世名不稱不患年不長也日大神仙愚惑如紫風

捕影非可得也伯思乃止陳伯臺稱云女尚書之後耳

禮修趙嵩妻張氏女也姑酷惡無道遇之不以禮修終無愠色及寧父母父母問之但引咎不道姑卒感寤更慈愛之鄉人相訓曰作婦不當如趙伯高婦乎使惡姑知變可謂婦師矣後姑病女來省疾姑却之曰我死固當絕于賢婦手中後遭米賊嵩死乃碧塗面亂首懷刀託言病賊不逼也養遺生女依父叔立義終身者也

漢中士女志

十三

韓樹南南鄭人趙子賤妻也子賤初爲郡公曹李固之誅詔書下郡殺固二子憲公季公太守知其枉遇之甚寬二子託服藥死具棺器欲因出逃子賤畏法救更驗實就殺之及固小子變得還子賤慮變報仇賃人刺之覺告郡殺子賤初樹南諫子賤子賤不從及臨死許共并命兄弟婢侍婢視守之經百餘日乃息曰兄婢念一死萬不得生不敢復圖死也上下以爲信然無幾時于幕下自殺